

少室山人集

少室山人集卷十三

河南楊本仁

詩

紀夢 有序

不肖夜夢南天影影如山左神像鐵冠怒面
杖劍雄視如世之所爲玄壇相者右橫篆乾
坤一宿四大字的然分明俱如世所搨摹墨
本者靈光下垂覺而莫省所謂嗟豈予不肖
天地間一凡人邪感賦云云甲辰二月十七

日

春來夢頗怪一夕忽通天神鑒半生忒帝垂四字賤乾坤真若寄肺腑不堪鐫白日無私照焚香對昔賢

萬事關三畏平生駸一經山從春四碧天放髻雙青任境俱爲適吾心自有銘微言玄相外五十近惺惺

春江夜涼

世徑情俱怯春江夜復賒波聲挾柁語風勢轉颿擲投足應無地浮生况有涯無端北去鴈一語髮雙華

陳自所地部海天閣宴別

予來愛此佳山水別去觴予山水邊四月鶯聲
古佛閣半江帆影夕陽天萍踪重覺浮生困羈
况深慙不住緣何日相逢定相問爲君點檢浮
湘篇

別廬山五老

曾聞曠世忘形友五老忘言更不凡竝與日星
爭末耀敢將肝膽托靈岩三年吏事江千尺萬
古交情風一帆迴首香爐峰上月定從何地裂
征衫

遊赤壁行

甲辰四月廿一日

昔人遊赤壁江風山月載舟入今我遊赤壁青
天白日壁赤立帆檣來去鷗鷺飛烟霞散盡虬
龍戢君不見當年一炬南風力吳人驩笑魏人
急中原精甲三十萬一時搖手何嗟及周郎輕
俊示風流魏武雄猜失胷臆坡也挈舟一吊之
千年斷岸生新色江山衰勝只由人黃州不來
壁自仄坡公之意豈在山風神橫照山水間夜
來明月落水底見月如見長公顏放身片藁眇
天地扣舷一歌空入褰少室山人行如楚酹月

酬風須勝侶平生
意氣合拜君橫
鶴亭前獨延
竚白日欲沒歸
去來惆悵無人
山靈語眼底長
江不盡流坡乎
坡乎吾與汝

九日同李元峰
僉憲宿臨洛驛

秋風竝馬

帝京來候館聊
傾九日杯鴈語
何緣入客坐菊
花應爲避人開
壁間劒在三關
近夢裏書從九
澤迴鄉鬢更衫
雙起舞月明醉
影憶登臺

冬日郊園小集
用鶴洲韻

主人雖興新自
楚江來花藥冬
堪藝烟雪畫

卷五
忽開拂霜營小圃摘菊泛深杯
借問樽前客誰能數往迴

省菴携酒郊園再集

野日溫吟幄蓬門披宿輝
殘生如有得真意莫相違
萬事看鬚髮一官忘是非
爲君酒盡醉騎馬暮鐘微

鶴洲携酒再集得聞新齋瀾亭談玄喜賦一首

早得長卿書命觴重款
予孤雲縈杖屨朋馬嘶
軒車晚歲竹香細
夕林烟色疎放言及莊老吾

自媿吾廬

冬菊

菊花寒自力那受世間憐
若有幽人節正宜遲暮
天風霜心獨苦丘壑意常偏
不見陶元亮殷勤向爾前

瀾亭携酒再集

霧色開南墅幡然野興深
淹留獨往地珍重數來心
莫使歲時慮或傷遲暮襟
豪來欺酒淺茲意重堪尋

過菴池亭

池亭繫馬誰復憶山林任境無喧寂異時成
古今翠烟新種竹涼月欲醺襟何事縈軒冕翩
翩松桂心

新齋別墅再集

菊日觴吟地重來對夕曛舊懷俱似洗野氣不
成醺相顧林間鳥長瞻朔北雲百年吾自鄙誰
使復離群

人日長春觀

武昌城外長春觀人日來遊春氣饒溪柳眼溫
鶯欲語閣梅色放鶴堪招靈岩不動雲常在丹

龜如存烟未消便欲投冠問玄業紫虛無路接
松喬

兵司雪集

一冬無雪暄仍劇入歲雪飄春轉寒兵氣豈應
侵客座杯光聊復媚朝冠十年蓬鬢緣詩誤萬
樹梅花倚醉看吏事鄉心兩愁絕角聲吹斷楚
江干

王城燈宴

城上飛樓城下山

帝孫燈宴絕人寰龍光倒接烟花地藥火旋開虎

豹關

煙火有關
城兵馬

萬事盈虛垂象外

有先天卦圖

半天

風雨把杯間

時風雨
喪至

異鄉春色今深淺
携向

王門滿意還

上元感興一首

幾年江上逢元夕
江柳江梅共愴予
千里更堪來早鴈
一燈自對讀殘書
老懷兒女偏憐日
野况烟花厭見餘
漫把窮愁問民瘼
東風吹動武昌魚

和草池十七夜楚府燈宴值雪

春興爛生燈節後
百千戲劇動王宮
翠樓似

隔人間世寶炬奚妨雪裏風飛火故千層漢上
疾雷俄起萬花中看來益覺淮南重三楚江山
一代雄

出塞十首送山西呂定原方伯

把酒臨江春可憐晉山楚水各風烟紫薇閣上
擒胡策黃鶴樓中出塞篇

國勢如山泰華低重才多在萬山西寧州老子
專方岳雄劒凝霜手自提

曾說文皇躍馬時二庭無土不堪犁如今飲
馬黃河水蹂破三關不敢窺

四月邊城草漸青長林威遠沙冥冥邊人解唱
胡笳曲一曲胡笳兩鬢星

聖主憂勞念九重無邊機事更堪疑漠南傳箭
休胡服帳下彎弓總漢兒

鴈門吹角捲寒雲白草黃沙日色曛繞綺總拋
牛馬革臙脂爛醉犬羊群

轉餉何術歲益難貔貅無數立風湍何如一破
狂胡膽爲問軍中有范韓

黠虜風驕萬馬奔大行渤海勢俱掀千金一擲
叛兒縛不說生擒吐谷渾

虎石夜開酒半醺邊人猶說飛將軍太平天子
寧忘戰今日邊官總解文

大同城外磧光寒悍卒雄胡倚戟看萬國金湯
明日月兩階干羽舜衣冠

砥柱峰篇送東沙大方伯保釐吾土

我昔西遊嵩少野河上曾看砥柱峰烟濤無際
來何雄撐天孤影河之衝半空溟濛飛霧雨孤
根恍惚纏蛟龍野人一見神驚逮水精石怪應
相睨道氣如摧三峽秋陰霞欲掩雙華霽不圻
寧論拔地功深蟠故障滔天勢精脉會從天地

中斧鑿况是唐虞際七曜光華偏自垂萬雷擊
撞那能擠中原之民免爲魚不信但看神禹書
東沙先生世共識若與砥柱屹相植風霜叵變
太始色秦濤漢波詎能蝕振古頽瀾待君力吁
嗟乎濁河改勢中原殿九龍迴首千峰仄君不
見禹王廟前月生白崑山蓬海滿胃臆天之所
樹疇能抑平生自許契與稷柱乎柱乎合柱

國

春日送項甌東憲使 壽聖北上

往歲炎蒸曾入

謁今來花柳看君行二儀氣萃江山別

萬壽書成風雨晴

表晴天
乃書

聖代况當龍起處楚天

長繫鴈迴情紫宸殿闕垂衣頌為續虞庭斷後
聲

題玉峰駙馬使卷

黑雲壓鵠山漢水接天陰蛟龍毀窟穴鯨鼉橫
至今楚宮燈火筵變為梟鏡林生死間一息機
事一何深父子豈不親視如俎上禽法紀豈不
振視有帑中金不見明陽宮焉知湖上心

天王命法吏親貴臣相臨疾雷破萬山一鞠無重

尋扶膽獻

天子內弑而外淫

聖孝式來葉此事拂

宸襟青雲接蕭史投我漢江吟一字切倫紀王峰
予所欽刊山謝黃鵠永照大江南

少室山人集卷十三

少室山人集卷十四

河南楊本仁

詩

將進酒爲楚宮變作

武昌城頭月未出乙巳正月十八日儲宮燈宴
布逆機鬼翁神張夜廳廳淫邪中人如中添龍
舟翠眉生禍匹世府群兇盡鷄狗片言決臆山
可負軟血要爲內弑盟天雷一語石爲剖樽俎
門屏俱有人金奴傳命將進酒楚王駕出催賜
衣銀盃金蟬走恐後座上寧知座後心一觴一

豆目相授機火無端視阿誰可憐一放堂中手
四壁燈光半明滅虎皮門開腦已裂迂瓜逆挺
恨不力緝熙堂沾楚王血噫吁嘻逆乎戚哉緝
熙堂沾楚王血父子之間誰爲虞杯酒談笑有
此乎伶人與夫氣俱麤千秋龍袍血模糊自絕
于天馬所須此生但知湖上姝延暉珠翠鶯燕
叢圍龍緋袍當春風親棺一盖萬事定湖姬乃
在明陽宮初聞此事淚如雨一惡通天無今古
臺臣扣閣

帝爲怒

嚴音切江萬靈懼濤瀾波詭空迴互鼉泣鯨翻遁
無路灑血江心流不去千古綱常四臣疏

黃鵠篇贈余草池貳憲雲南

五月南風江怒濤美人別我心煩勞何以贈之
宮錦袍黃鵠山前水烟紫見君文章亦如此
肅敏公後青谿公况君兄弟俱人龍矯矯雄並
岷峨峰西南天地予曾到江山往往稱靈輿
盤龍江險船不通土酋逆氣生白虹美人雄劍
纏秋風炎徼夷心羈縻耳請君試看滇江水
五華蔚蔚秋氣高螳蜋川水不生潮與誰同醉

月明青鳥鷄黃鵠秋相連有懷寄我日南篇

同年宴集

時在宴者項甌東侯峴山管復齋柯雙華孫
二水與予蓋六人焉謂一時吏楚宜申宴好
乙巳春二月晦日也王橫陽在太和山不與
走馬春城十七年無端萍聚楚江邊清朝總重
衣冠會浮世深憑金石緣薄劣奚堪問鼎國須
眉翻媿看花天驩然一醕更相問惆悵東南萬
里船

項入賀柯赴閩俱
擬宴之明日行

蘄州舟中同侯峴山劉亦齋二憲使

徃徃有佳况多爲吏事妨民憂方在歲山勢勝
於黃片月江心笛扁舟客裏觴共君須盡興一
笑下蘄陽

東山寺

五祖傳心地雲山思不窮一身元是幻萬事不
離空僧臘月痕白吏情楓葉紅坐來忘去住天
地大江東

乙巳八月十日蘄州江上

萬壽逢今日孤颿憶徃年江山元誕

聖簪珮與朝天四海蒼龍闕千秋金鏡編風雲接

燕郢舞麒麟邊

州有麒麟山

江行

南國老爲吏驚殘水上魂
江流多曲折山色異朝昏
何地帆檣穩無風波石喧
微茫沙草際烟雨數家村

王階怨

承恩貴遇不貴姿青鏡妍
嬈空自知一聽昭君出塞
曲漢宮圖畫總堪疑

見說承恩出未央一時嬌
額盡塗黃憑誰爲看雙蛾
色應與當年無短長

二水初凝臬署私宴林退齋憲長旣展席
速客改觴黃鶴樓用賦一首

高情故改省中席留眼還登城上樓
塵影隔殘絕世笛江聲咽斷昔人洲
白雲黃鶴千年地漢甲秦兵午夜甌
笑指光輪歌郢曲星河酣對萬山秋

風雪宿圓通寺

浮世吾生拙奉身期會間吏裝孤劍澀僧榻一
燈閒不住渾無地本來非此顏焚香如有失風
雪楚江山

舟夜

歲晚情何極，舟輕夜自疑。
天連帆影轉，去聲月湧波光奇。
高鳥去猶疾，寒江逝不遲。
坐深成獨嘯，徒有鬢無私。

丙午元日

吏況那堪重，改歲微風澹。
日楚江濱，鳳凰山北，鴻新集鸚鵡洲。
南草欲薰，齒髮漫添，麋鹿性冠袍。
空望鷺鷥群，何時定掃濁河石。
七尺綸竿，萬里雲

清明日武昌公署

楚食寒仍力風花忤客襟本無挑柳意偏觸歲
時心窺棟看新燕瞻雲憶故林吏衫吾自媿何
補漢江深

黃鶴樓晚立

漢江不可測上臨黃鵠山樓光送夕照帆影一
何間不見吹笛人月出水雲間颯然天風來誰
有塵土顏

得月亭

漢水從天下王亭築石牢輝光偏得月宛轉不
容舳圖史連星漢江山鑒羽毛

帝孫無貴色三楚振賢操

郊行

吏抱幽棕減郊行野意深江山三月雨花柳暫時心觸處俱成色何人獨賞音鳥鳴如按拍翻入有虞琴

登黃鶴樓

名樓振古多雄絕黃鶴長存天地間誰使題詩驚太白遂令飛構跨人寰石亭明月虛橫笛

呂仙祠

古屋寒烟自別山

太別山有禹廟

迴首拊纓無限

意長江落日鴈飛還

雨懷

禱雨未久
已復厭多

江國日多雨石欄水半沈未收祈歲淚已缺望
雲心帝意應難測吏情空復深百年如旦暮萬
事屬晴陰

春日洪山寺

老衲堪飛磴輕雲結早陰無生看慧木不住證
禪心倚漢虛雙閣開山應萬金僧來無一語梵
磬散珠林

春日廣視堂晚集宴別林退齋方伯

嘉宴挈亭雨後來石亭如水暮雲開江山明月

雙携鶴天地高賢一洗杯露氣豈應干老鬢
岩風何意拂青梅半醺並坐松前石側側寒生百
尺臺

黃鶴樓宴別同年劉安峰憲副

鶴樓多勝色佳日共追攀春水開江面晴雲展
客顏捲簾捫碧落把酒對青山猶是看花月逢
君髩未斑

四月七日黃州對雨喜逢鄒一山省長

去年梅子熟時別此地相逢梅又黃薇葉故生
客裏意竹枝偏映雨中觴有懷曾繫

玉宸側何日初從金水傍
手自摘梅笑相啗衣痕
重着澌時香

岳陽舟中戲爲洞庭君乞橘

憑誰寄語洞庭君
水盡南天不見雲
欲向九江秋色裏
清霜黃橘拜靈芬

桃源縣感賦

川桃自開落天地
遁斯民世上已無魏
山中猶避秦
相傳談虎日總是捕蛇身
應怪業漁者何勞重問津

過桃源洞

千古桃源洞漁郎誤至今桑麻非幻業鷄犬自
人林豈有絕群術應憐避世心溪山無限意曠
代不堪尋

奉答一山雨阻撫松亭候予之作用韻

並涉豸源路幽懷孰與深江山帶劒走風雨撫
松吟已辦褰帷興何堪停酒心勝留雙眼在有
地共登臨

午日辰江舟中一山追送菖蒲粽酒喜占

二絕

赤日丹霄起白鳬美人飛棹送清酤千年重覺

屈平隘細咀雲邊九節蒲

午日炎江客棹輕靈菖角黍荷高情一尊何負
青山色孤况因之辰水生

承天恭謁 顯陵

天地一人宅江山萬歲城

帝王真不偶襄漢若爲情 玄德通三極龍光接
二京拜瞻陰霧合杉檜與雲平

小暑日舟發武昌泊漢口有懷同游諸公
食楚觸三暑謬爲時所容故情別更覺何地重
相從黃鵠磯頭月金沙洲外峯隔江耿耿意臥

聽武昌鐘

舟行苦熱

張文獻公彭蠡湖入江詩更
將心問影于後復何求

舟行何太緩炎景向誰深
昭代東名日昔賢問影心
微茫鷗鷺渚寤寐薜蘿襟
胡不投冠去南
山松桂林

漁泛洪感事

一物關秋事吾生豈不任
灌園亦樂業佩犢省機心
孤牧遺殘照老漁弃曲鉞
倚竿生片月茲意重堪尋

雨後

片雨生餘爽，煩襟頓若空。
江姿峯重碧，林意鳥俱雄。
芳棹觸輕燕，危檣掛落虹。
向來覺躁競，匡坐按南風。

月夕停舟聽笛

千里扁舟笛一吹，煙水空逝江生白。
髮涼月隕青楓如折，關門柳真啼沙塞。
鴻三年漢水上，此夕意何窮。

襄陽懷古

險勝更相據，江流浩至今。
英雄淚自墮，天地石空沉。
凝望隆中氣，獨登峴首心。
風雲懷往哲，拊

劍不成吟

少室山人集卷十四

少室山人集卷十五

河南楊本仁

詩

早春六首

雲抹青山春一痕
東風吹醒百花魂
黃黃白白從渠在
肯聽韓郎一涅槃

上地日高春氣寒
佳人翠袖隱雕闌
堦前多少新花草
不問芍藥問牡丹

日氣着人眼乍暄
片雲帶雨過東園
平生亦有憐芳興
燕子未來客閉門

孤驄曾踏九江間萬樹梅花冰雪顏今日長安
綠底事憑誰一問匡廬山

太液池頭鶯語遲

帝城春色外臣疑客邊奚更問深淺江鴈一聲雙
鬢知

客裏逢春不盡觴乾坤獨語夕風涼山人茅屋
春應到不在潯陽在洛陽

奉和春岡司寇怡椿軒感賦

四海吾鄉少司寇怡椿高倡重堪吟兩朝月照
半軒影一葉春含千歲陰執法未忘執禮日趨

朝猶是趨庭心移忠於孝元家學勒作尚書座右
箴

和前山夏日官亭雨集用韻

暑集偏昇拂地槐百年懷抱一時開孤雲何意
晴還雨遠鶴無心去復迴昔我曾經白帝壘爲
君不上禹王臺龍韜虎窟軍聲後解賦衝泥騎
馬來

夏日羣公過集

野人門巷經過少伏日那堪車馬喧百歲吏情
看棟燕一時吟侶對荷尊赤霄座引風雲氣爽

地石生冰雪痕擬向小庭燒絳燭羽虫何事夜
偏繁

林節婦

夫亡妾未亡兒死母亦死貌焉寸孤傳一經十
九年間心在此艱辛萬事中夜泣涼月如霜照
麻泉肝腸斷盡兒不存妾身不死又何俟地下
相逢三不知兒能識母父識子吞聲爲謝堂上
親季婦長堪托藻蘋

又挽

十九年前事餘生懸至今河山無二氣天地鑒

重襟未了存孤意誰知不死心若將臨訣語翻
作女中箴

七夕城西樓醉歌

仁也清朝老法吏山青日白爾何意不才宜爲
世所棄立出主人驄馬使才敏如霆萬人避破
蕃新從白草至搖筆倚馬三千字黃門先生識
何遂一疏正破黠虜智

天子知名宰相器鶴洲道人偏解事三杯到口
亟稱醉雲卿尺度常不離片言脫口成軒輊仲
子平生有精思一欬一唾斗星墜子正胸中擬

經笥渥顏美鬚當輕吹西城主人質獨異恍如
銀漢策天駟千古玄風邈難致牛女盈盈隔河
視天上人間巧相跂白首一拙吾不媿清酣共
枕月明睡一夕歌聲滿天地

湘江感賦

何處水來乃爾清濯冠不減昔人情烟光到地
四山濕江色照予雙眼明伏櫪材堪供遠道窺
樊羽合繫浮名湘南粵北長迴首欲把黃金鑄
屈平

中秋過衡陽值雨晚宿排山驛有懷鄉園

親知

衡陽秋半萬山陰
回鴈峯前客更南
若使暮雲生吏况
縱無明月重鄉襟
百年髣髴著芙蓉
雨千里江懸故舊心
徙倚驛亭聊獨立
接天松檜翠森森

江行六首

一身隨去住萬里
途登臨天地粵南
閣江山嶺

外心波平聞荔口

江名洞古憶韶音

洞名把酒衝歸

鳥捫予頭上簪

聞說劫難險

難名大劫小劫

行人警至今迅流投石

毒矢伏深林雙鬢看孤劒扁舟有斷琴平生成
獨笑倚棹一披襟

往事放船好秋懷底不平龍磯陰霧合

有龍雷頭磯

峽夕波橫

有雷霹靂峽

擇木無棲鳥奔濤有悍鯨沿江

空列戍怪爾枕戈兵

百粵天南國聞聲鬢欲皤府江稱險惡徭峒首
經過搖手答蠻語攢眉聽棹歌昔賢無擇地吾
自如吾何

一入平江路亂山林不如山坳虎子穴林表撞
人居秋淨奚聞鳥水清時見魚寒烟饒斷石那

有百家墟

舟入蒼梧野觸予萬古情片雲連幔卷微雨看
潮生帝子南來日江流東去聲客心坐無睡月
出波光平

九日梧州澗山方伯觴予拱日亭喜賦一
首

雲斷蒼梧水急流半天風雨靜炎州龍灣虎石
三江色驄馬薇花九日甌鄉思動存移菊計吏
情空抱點鴛愁岸冠故放登臨目共倚危亭萬
仞秋

龍門月夜聽笛引杯自酌一首

把酒龍門暮星河淨不流何辭今夜醉真覺此生浮
髯影千山月逐聲萬里舟炎荒吾自遣簾捲渚花秋

藤灣月夕過澗山公船呼酒露酌

夷徼俱爲客秋霄對舉觥停舟山月近把劒露花明
真有同袍意都懷戀

闕情無端聞笛語回首瘴江橫

新春六日楊濡川僉憲宴風洞山

作吏水山窟經時始一遊青峯凌客鬢白鳥妬

吟甌萬事梅俱落片帆雲正浮爲君不惜醉明
日下梧州

七日南亭舟中觀文休承王陽山居圖

勝絕王陽境精傳得小文江山出真構星漢帶
靈芬憇鶴石邊月伏龍水上雲炎荒千萬里如
見司封君

王陽山房

天秘幽人宅千秋遲爾開氣從太始結水自上
清迴勝地俱名世靈山應愛才一編長自負憶
上凌虛臺

觀音巖

萬境自虛靜六塵積成山天生菩提岩如如出世間風顏青獅吼月黑白鳥還聖水本無根誰抗塵凡顏

舟中折得菰花一枝喜占一絕

萬里扁舟一病身小菰放盡瘴江春山僮不省客邊况笑取芳華贈遠人

梅竹隩

東栽萬株梅西栽萬竿竹數椽梅竹間娟娟人如玉月出雙鶴鳴石几羲皇牘客從少室來翩

翻下黃鵠

虬鼉峽

峽石巉若林，峽水迅於雷。如虬而如鼉，怒吼出
爲開底事，鬱不平。天地劃爭迴，主人白綸巾。冥
心對古梅。

佛窟

群峯插若言，諸天在而野。大道隨處滿，一石皆
般若。水懸無生鱗，岩垂不住舍。閱盡世間人，寥
寥靈山下。

題沈芹溪副憲野寺歸樵圖

山寺曙烟微。尺布不束髮。荷檐出門去。腰有不
盡簾。不徑懸絕壑。歷歷豺虎窟。一介生一心。直
木忌先伐。吾樵視吾肩。豈有烟霞骨。幸逢道者
言。蚤歲棄簪笏。床頭南華經。餘生空咄咄。行歌
歸去來。鐘與暮雲沒。傳火炊黃精。迴廊出華月。

寄玉陽主人

陽羨山中宅。得君定不移。若存不世業。真有絕
塵姿。片石品俱到。拳宮製亦奇。澄觀樓上月。誰
與賦新詩。

龍門舟中觀謝與魏學憲所存東橋詩卷

感賦一首

往年問寺座廬頂雪夜追攀更不疑萬壑凍雲
獨杖鉞諸天僧炬並題詩江山空繫名賢榻王
謝爭傳命世辭中土故人予最晚一船烟雨鬢
生絲

上元督府宴集

萬里逢元夕軍門春獨私江山俱是客燈火自
深卮吏局應難定卿襟不易持蒼梧今夜月影
影鑒須眉

舟中病懷

春事一拋三之二暮年情景總悠悠長貧豈少
烏皮几多病能堪青雀舟幻世蓬踪渾莫定瘴
江藥裹更何求人生行止那看鏡雙燕飛來芳
杜洲

撥悶

何必愁多病浮生到處宜日星臨客棹山水起
予詩吏久逢迎懶心微花鳥知春風一卷慢萬
里晝舒遲

晚泊龍頭磯

龍頭磯下繫舟時鼓角深山晚更悲眼底行藏

拚一羽春來身事問三醫
甲人授柝帆檣戢機
火摧雲虎豹移亭戍障烽
隨處得孤筇天地夜
題詩

午日同芹溪與槐濡川三憲使飲風洞感
事

荒服羈臣會菖陽
午日觥江山意共遠
風雨境常清楚俗
排龍戲漢人投鼠
情無高不即險休
問伏波城

夏日江亭奉送少司馬靜翁中丞還朝

五月炎風荔子丹
江亭疎雨岸危冠
司馬樓船

擁精甲中丞節鉞開驚湍八姓梟雄膽盡傾三
江民庶堵垂安萬人指畫涕洟瀾後來者誰前
有韓巨人包蓄重如山風雨雷霆俄頃間沈機
那使鬼神知深衷若與日星閒書劍光懸命世
心須眉明帶憂時顏五嶺風生銅柱標二儀月
照崑崙關蒸潦瘴霧幾親覩昔也柄文今柄武
頤指韓白輸精肝氣噓風雷走幕府經略坐看
嶺海清刻畫獨覺江山苦天上方須破虜才粵
南尚伐平苗鼓把酒仰天悵不語戚鉞何如與
干羽仁也何知伊管儔從此

廟堂百不憂

中秋夜東江待月

爲問中秋月方舟放不遲如何江上影不照客
邊卮輕翳豈終負欲回應自疑清輝無擇地匡
坐拊吟髭

九日虞山宴集短歌行

時有張三峯都督

高天急景萬山陰重華古祠秋蕭森雲卷夕風
月正南碧空如掃江沉沉把酒都懷帝子靈
河欲寫蒼梧心桂海無霜鴈不來黃華紫萸觸
客襟無那高歌落木篇露華髣髴影秋千尋此時

何人不盡觴橫笛未斷清猿吟九疑聖人在何
處耳中恍忽聞韶音迴首中原嵩少北龍光正
引

重華岑將軍撥劒促歸去眼底幽并起萬慮

九月十五日夜芹溪與槐濡川相與中天
露立見萬里一碧皎月如晝乃驩然命酒
引滿成詩

萬里炎荒對月難霜臺圓景竝君看疎臨松葉
翠堪拾涼沁桂花明可餐劒氣故衝蟾兔窟波
光如到鵝鷄冠江山佳絕渾今夕莫把清觴放

未乾

江行

去住將奚據疾遲莫自由天高燕塞遠水落粵
江秋家世三徵里

把城西三十里
空桑有伊尹祠

身名百折舟

暮年魂夢怯七十二灘頭

少室山人集卷十五

少室山人集卷十六

河南楊本仁

詩

楓木磯月夜聽笛喜賦一首

明月滿江忘作客一時斟酒趁開顏
春生楊柳三更笛翠壓帆檣萬仞山
上下星河動定裏西南天地華夷間
如經黃鵠磯頭夜恍有真人騎鶴還

戊申初度日龍門舟中

萬里逢今日把杯思不禁孤峯荒徼月雙鬢逝

江心拔劍濤俱落看山鳥獨吟夜來鄉夢斷一
嘯水烟深

題嘉興沈武選恩池雙慕卷

昔人重祿養君子欲自樹所願苟一身奚貴鼎
與組如何紆寵榮忘彼恃與怙英英選部郎抗
志接朝武華袞拜

宸綸一字泣如雨白髮滿高堂斯人良獨苦豈無
一人思何由三泉剖壘壘帷中經縈縈機上縷
睠言念疇昔萬鍾將焉取攬衣一何戚臨餐詎
堪吐日出憶梅軒龍光逸庭戶炯炯雙慕心持

以奉

明主

濡川僉憲重修虞帝祠成宴集一首

時有

二漁舟載鸕鷀
往來煙水間

儀鳳曾聞光帝德垂衣那自廟窮陬重瞳龍袞
階三尺世代江山酒一甌往事漫生干羽夢夕
陽偏載鸕鷀舟使君驄馬南來日天地何心松
檜秋

張三峰都督觴七星岩

名岩故著嫖姚席羈况常投山水緣水碧如空

秋自咽山青不動晚生烟一杯擬出人間世萬
物渾成洞裏天醉倚長松待明月鳳笙吹徹赤
霄篇

至日枉諸公飲風洞山寺

南徼再逢長至日共攀勝地看雲生三江龍躍
水山動四海客來風霧晴詩思未妨聽鶴語吏
衫那復傍僧行蒼崖丹壑心無限聊把飛觴對
月明

龍隱岩集飲

龍隱岩邊蒼霧深斷藤交石晚陰陰江山如帶

風雷氣天地長懸雲雨心命世詎堪佐

音作

帝澤殊方忽漫紆吟襟千峰月出鳥飛盡醉拍星
河調笛音

觀冬菊立占一首

風簷矯矯黃花朵晚歲相看眼更親四海更情
吾自拙百年物色爾偏真松翻竹覆忘形地傲
雨凌霜遺世身欲去又回三振袂若將丘壑薄
垂紳

華景洞集飲

時有數鷹翔集

歲暮客懷已自傷招携偏近古梅傍况堪落木

江邊笛共把飛雲閣上觴疎劣固應老水石風
塵祗合見驪黃乾坤何地非吾土倚劒洞門鷹
亂翔

鼠嚙餅梅一絕

斗帳薰爐一操琴竹猿松鶴謝知音誰令黠鼠
太無賴攪破梅花半夜心

冬日謁武侯祠

祠在臬司後臥龍山巔是日風陰峭寒擁貂
躋危出千仞上萬峰簇簇對之塵抱一空手
把古梅一枝插鑪中立賦一首

錦城曾拜武侯栢桂嶺重攀諸葛林霸氣空消
龍臥地雄圖不盡昇分心表存生死興王意梅
寫江山曠世襟南粵西川緣底事倚雲長憶隆
中吟

堯山觴遊

山有堯廟堯田

帝廟誰開太始煙就攀雲日問堯田萬家耕鑿
今何世終古包含只此天東去大江洪水後西
來真脉伏龍邊欲從面授傳心法一笑如隨臯
契前

予衙中盆沼養小魚數頭傍植松菊家僅

折梅插菊下客土無根經旬楚楚一夕月
明相對灑然會意客猶梅邪梅猶客邪光
華如如松菊之閨邪把酒問月戲咏二絕
宿心遺世千頭菊初勢凌虹萬葉松斛水寸鮮
春蕩蕩萍梅霜月夜溶溶
梅花濯濯與誰同丈菊童松意氣雄捫弄星河
心似水一身天地月明中

已酉元日感賦

歲事偏從野老家東風門巷燕飛斜滿林翠竹
早時笋上日緋莢著處花一氣何緣天自異孤

峰不動雲長遮平生少室山前宅萬里迴看髮
欲華

新歲五日飲張三峯元戎宅觀烟火戲劇
深夜盡歡戲荅一首

杯酒逢君不盡豪清宵百戲入風騷珠燈錦瑟
春俱爛舞袖歌唇韻轉高俄頃龍蛇生俎豆分
明霄漢挂葡萄醉來一笑忘真妄倒著平生舊
戰袍

元夕舟中小集無月

異域逢元夕孤蓬烟雨心共看春似水益覺漏

如金杯引短長鼓山傾笑語襟光輪歲初滿誰
爲掃輕陰

舟中和與槐學士賦餅花韻二首

花名

映山紅
瓦餅溫水經句常鮮

烟雨蠻江春不遲山花那近玉堂姿折來故擬
餐霞侶醉後渾忘向日枝掬水要觀難謝意插
瓶忽憶欲開時殷勤爲誦拾遺句風妬紅香却
倒吹

江燕迴飛舟汧遲鍾山學士惜春姿看花重折
偏紅朶帶雨輕移最上枝暖眼自尋活水法深

裏先繫置餅時蓬窗不放游蜂入恐引風從一
線吹

壁崖晚泊張柳塘間戎露觴

天地今何夕一觴聊共親江螺旋捉月野薺故
挑春絕徼烟嵐窟

清朝放逐身無端見漁父萬事負垂綸

三峯宅賞花宴集

侯門春放百花欄簾外風微倚笑看到眼似聞
齊勸酒多情欲折爲彈冠縈烟萬萼香俱嫩帶
雨一枝色更丹主客夜深渾醉去紫衣方進七

珍盤

池亭晚興

春霽江城吏事少池亭圖史故淹留雲光到地
鳥爭下水氣著人魚出遊倚竹何緣成獨笑折
蘭真不負相求伏波萬里山前意如對平生馬
少游

奉和與槐先生清明雨中見寄韻

晚歲烟花堪自遣殊方風雨只宜休展禽直道
輕三就平子何心賦四愁萬事陰晴湘浦綠半
生天地粵江流白門自古黃河道廻首林山月

滿樓

和咏屏燭盆花前韻

明燭呼予夕漏遲素屏醺倚映山姿垂垂揔識
江邊色影影如臨霧裏枝萬里不忘並馬日一
尊相對賞花時拂衣未去看南斗欲把雲笙河
上吹

和咏雲泉折花圖前韻

冥構何人放手遲坐令國色蔚生姿巧心真宰
應臨貌能事緋英宛亞枝馥郁未妨春去後分
明猶是折來時披圖恍擬龍江道蜂蝶翻翻風

四吹

三月三日同與槐學士泛江

勝日澄江齊放舸
遷人詞客舊忘形
迴迴細數沙頭燕
汎汎渾驚水上萍
雙槳晴搖三洞影
一尊暮寫萬山青
遠遊歌盡還堪笑
鼓枻澤邊負獨醒

春日三峯園亭

英衛名園爛熳春
爲誰束縛媿先民
千峰江上半虧月
萬竹亭中百戰身
莫倚烟霞堪自飲
共尋魚鳥暫相親
買舟欲便投冠去
牢把綸竿伊

水滸

蟠桃圖歌壽楊太夫人

金母玉桃赤如日三千歲始一結實九月靈風
吹渥城昆丘仙子來何疾鶴髮珠冠金骨輕吾
宗之母七十一丹顆先生頰玉盤驄馬使君棒
近膝仙娃色動指接密紫鸞引吭真氣溢只識
常存斷杼心那知更有餐霞質堂上青禽欸欸
飛堂下朱泉滴滴出投桃奚從涌鯉家和熊乃
作騷鸞匹從今歲拜三千席席九月二十七
青雲不老春長逸使君之願應始畢

伏波山晚立

無事日看江上山百年懷抱隘人寰微茫若在水雲外蕭散何知吏隱間月出天心鶴共語風生石窟鶩俱閒高賢異代誰相問霞影波光鑒此顏

午日同芹溪憲使舟游還珠洞暮抵龍隱岩

雨後江山如有待相携齊赴水東舟一杯不盡三閭恨雙劍何妨五日遊亦有神龍曾攫屈是誰真隱與鷗浮月明返棹觸仙氣無數昌陽石

上洲

遊玄風園

炎江送客特來此何物亭池爾太清支水渾從
天上派小山真擬洞中行松間無鶴非仙骨竹
下看泉長道情試把碧簫向飛閣異雲靈羽定
相迎

舟行苦熱二首

天地一何烈攢舟萬火林轉疑人世隘益覺瘴
江深應有清涼日但堅冰石心卷書尺簟側吾
自整吾襟

本是炎荒地況當六月天
蒸焚熟躁德林壑負
高賢石出江如渴雲來山欲然
吾廬三徑在水
竹舊娟娟

七夕舟宿足灘

三年放逐客炎域此夕江天悵
獨謠平世未妨
金作撒清霄那用鵲爲橋月華墮
水秋千尺河
影照髯酒一瓢欲把平生向牛女
白雲迴首不
堪招

舟夜聽笛

萬里空山笛孤峯乙夜聽蟬聲
兩岸寂峰影

江青欲斷音猶咽及中神爲醒月明波不定涼
吹秋冥冥

至日湘山舟中同與槐學士觀梅二首

至日三看汝清江若舊知寒香屬晚歲遠意鑒
須眉誰使輕相折祗應重自疑夕山對舉酒翠
輶鼎中姿

誰折梅相訊一陽來復情入舟客眼别到手吏
衫輕有雪春還健無人月共明江流寒欲斷坐
見歲華更

晚折梅花插瓶中引燭一觀宿葉新萼素

墻清影三叫奇絕欣然寫意用成二首

仙珮從天下振衣開竹房五弦添氣韻寸琯借
輝光勝似月中影真疑壁上香相看兩不厭清
思落滄浪

怪爾來何晚金仙亦太清本無絕世色徒有不
凡情未見神先覺乘昏影自明相逢了無語微
月爲誰生

元日憲司公宴對梅

是日此齋
公獲任

使君視篆開新歲紅白梅花共一堂仙萼疑從
玉女後芳英合近紫姑傍冠袍乍挹冰霜氣樽

俎渾沾霞日光欲向

帝庭雙獻曝誰將真意叩東皇

元夕王門燈宴觀火戲

客裏又逢烟火候人間真見

帝王家千絲燈爛七襄縷萬歲藤百丈花隨手
奔霆摧鐵壁平空飛電走金蛇星岩龍洞春如
畫獨秀山青然絳霞

五月望夜上仰灘聞笛二絕

上仰灘頭山氣陰流雲吐月思沈沈何人忽弄
扁舟笛落盡梅花江水深

問君何事欲焚魚何處青山不可居
莫把笛聲怨明月人生行止詎關渠

夏日東澗殿下招集仙鶴岩

三年著盡尋山屐眼底名岩今始來
靈氣似聞石鶴語晴香況值玉蓮開
峰頭月出心俱壯洞口煙生酒故催
竝倚青霄聽鷄犬淮南真有上仙才

七夕龍門小泛同沈芹谿憲使

落日澄江秋不深
明河雙照白頭吟
千峰翠逼欲迴楫
片月涼生未酩襟
橫簫更堪牛女夕
扁

一身南放四千里五歲北擎

萬壽書傲吏祗堪禦瘴土逐臣那復黷宸居靈
山奧澤俱名世片石孤烟亦愴予它日中原訪
耕釣蓬門竹徑有莘墟

永州中監泉少叅招遊澹岩

薇省英寮作壯遊文章司馬舊時州杯中星斗
天齊入刻有諸洞口烟雲午不收靈泣何緣霑翠

竹居人無復識愚丘與君莫惜尊前別千古名
垂江一漚

衡陽潘十泉憲副招飲迴鴈峰

合江亭上看江來望嶽峰前酒重開萬里奚隨
天共遠一身今與鴈俱迴蒸湘故抱文公碣瀟
洛元通晦叔臺摠把吏愁醒片石月明漁笛水
雲哀

登祝融峰絕頂

辛亥四月五日夜宿上封寺晨起登之值大
風霧人心頗怯百喙喧阻予排衆獨往強立
峰頂風力如撼群足俱搖企瞻良久茫茫一
氣不知身在人間也用賦一首

予來登嶽大風霧雄立衡南最上峰岱華自相

韶氣勢乾坤聊復寄形踪孤臣重步開雲嶺精
念翻愁翊日龍恍在鴻濛渾未闢一聲赤帝廟
前鐘

元宵前二日雲山殿下觴梅花亭一首

王門燈火爛生春萬草千花摠絕塵梅影不移
天似水月明方動鶴如人淺才慚荷荆南國深
宴渾忘艱下身莫把鳳笙向碧落上仙故在楚
江濬

正月十六日同六泉明厓二藩叅遊洪山
寺

野寺陰陰暄自動諸天雲物坐來親更衫故近
無生樹禪榻應棲不住神三楚江山同病侶二
儀風霧遠遊身寒英芳醕喧相泛摘盡梅花無
數春

時擲骰取數
摘梅泛觴

尊恩書院宴賞牡丹用韻十二絕

江國陰晴候 王門浩蕩春天風吹不醒卯酒
漢宮人

佳月千頭露微風一擲春寒暄先得氣誰是洛
中人

風入朱門別名花太放春香生橫無地豔絕故

撩人

艷態月前意溫香雨後春一杯渠已醉無數惜
花人

肺病偏憎酒吏情却愛春溫風吹九藥狂殺洛
陽人

客土來何日披霞及暮春聞風真欲醉憐爾種
花人

萬葉開晴晝名香自在春當年洛下主孰與郢
中人

傲吏非諧俗名王故惜春若將絕世色傾爾一

城人

把燭未生月浮觴欲盡春
左花追後鼓內酒及前人

豔豔翻宜夜盈盈旋摘春
緋衣傳絳蠟無酒亦醺人

三把文園酒今逢解語春
浮生動有礙吾自笑吾人

荆南薇省使天上翠芬春
淑景亭前意悠然動遠人

雨集黃鶴樓放歌

黃鵠磯頭雨如霧大江冥冥春欲暮少室先生
携客來不見飛鶴見飛鷺拍檻迴看波上舟隔
雲莫辯漢陽樹把酒勸君君莫誤岸冠一歌心
膽露人生會合古來難江風吹裾雨沾屨君不
見昨日天晴鶯語遽無數落花與飛絮

首夏四日飭武岡園櫻桃樹下以歸及
薦櫻桃爲韻五首

方罷賞花宴酌櫻更切輝水流春酒嫩燕語午
風微老鬢猶存綠香羅欲闌緋分明綴丹顆青
鳥幾猶歸

何物故纍纍靈汁盎真粒池鶴頂自疑鉤鸚眼
偷入予抱長卿病含情聊佇立攀枝思一沃渴
心如不及

春去百花闌含桃如自炫誰使明月濕轉覺驪
珠賤平生藜莧腸欲向明光薦主人手啗客小
摘成三盃

赤景耀朱櫻思王設醴情雀飛筵上實龍躍禹
中精到掌光難定入唇色更瑩翠烟觸處薄把
酒聽啼鶯

櫻熟朱明候門迎詩酒曹香凝頰玉碗光映赤

麟袍天地容吾拙江山放客豪倚風薰自愛一
醉落金桃

午日宴黃鶴樓

吏情世俗逢重午菖酒蘭舟樓外峰醉倚雲霄
招去鶴恍從江漢見游龍綵絲細擬客邊况片
月光於澤畔容欲把一尊湘水上濯冠那問昔
人蹤

文園月夜聽笛三絕用韻

萬里星河夜未沈一聲羌笛出瑤林停杯不語
驚梅落簌簌猶聞斷後音

月夜聽簫一絕用韻

池荷欲放水風清片月依人若有情誰把洞簫
吹不徹隔雲真擬鳳凰聲